

Тўққиз кунда вайроналар остидан тирик чиқсан жуфтлик



11:34 / 22.02.2023 6399

9 кун (202 соат) давомида 7 қаватли бинонинг тагида, кўчкилар орасида қолиб кетган эру хотин (Ҳидоят ва Мұхаррам Пўлат)нинг ҳикояси бутун Туркияни кўз ёшларга ғарқ этди. Қуида ўша воқеани эътиборингизга ҳавола этамиз:

«Зилзиладан сўнг уйимиз тамоман қулаб тушди. Аёлим билан ётоқхонамизда кўчкилар остида қолгандик. Қўлимизда олти ойлик чақалоғимиз бор эди.

Бошқа икки фарзандимиз ўз хоналарида девор остида қолиб, ўша вақтдаёқ ҳалок бўлишди.

Қоронғи кўчкилар остида бизга телефоннинг ёритгичи катта ёрдам берди. Охирги кунларда унинг ҳам қуввати тугаб ўчди. Оғиз-бурнимизга чанг тупроқ тўларди. Нафас олиш қийин эди.

У ердан вазелин топдик. Очлик чидаб бўлмас ҳолга келганда уни ейишга мажбур бўлдик. Охирги кунларда Аллоҳнинг инояти билан кўчки остидан қор сизиб кира бошлади. Биз у қорни эритиб ичдик. Шу билан жон сақладик.

Афсуски, чақалоғимизни асраб қололмадик. Илк кунларда аёлим уни тинчлантириш учун тез-тез эмизишига тўғри келди. Кейин сути буткул

кесилди. Шундан сўнг тупугимиз билан оғзини ҳўллаб турдик.

Тупугимиз ҳам қуриди. Аёлим қўлини кесиб, қонини оғзига томчилатиб турди. Бешинчи кун... Тонгда ортиқ унинг жажжи вужуди дош бера олмади. Қучоғимизда ётганча қайтиб уйғонмади. Қалби уришдан тўхтаганди....

Бизни тўққиз кундан сўнг топиб, олиб чиқиши. Қутқарувчилар бор бўлсин. Аслида бизни бу зулматдан фақат дуоларимиз қутқарди.

Шифохонадан чиққач, аёлим билан бирга фақат Аллоҳ йўлидаги даргоҳларда хизмат қилишга аҳд қилдик. Мол-дунёдан кўнглимизни уздиқ. Пул топиш учун умримизни сарфламаймиз.

Мен 32 ёшдаман ва ўзимдан уяляяпман.

Бутун Туркия эшитсин, истаса. Қуръони Каримни ўрганмаслик нақадар айб. Уят.

Бошқа сўзим йўқ!»

Аллоҳ таоло Қуръони Каримда шундай марҳамат қилади:

فِئِلًا نُظَلَمُونَ وَلَا أَنْقَى لِمَنْ خَيْرٌ وَالْآخِرَةُ قَلِيلٌ الْدُّنْيَا مَثْنَعٌ قُلْ



«.... Дунёning матоҳи оз, охират эса тақво қилганларга яхшидир. Ва сизларга ҳам зулм қилинмас», - деб айт (Нисо сураси, 77-оят).

الْآخِرَةَ الْدَّارَ وَإِنْ^۱ لَعِبٌ لَهُوَ إِلَّا الدُّنْيَا الْحَيَاةُ هَذِهِ وَمَا

يَعْلَمُونَ كَانُوا لَوْ أَلْحَيَانُ لَهُ^۲

٦٤

«Бу дунё ҳаёти фақат ўйин-кулгидан иборатдир. Агар билсалар, охират диёри - ана ўша ҳақиқий ҳаётдир» (Анкабут сураси, 64-оят).

Агар одамлар охиратни унутиб, фақат бу дунё учун яшайдиган бўлсалар, ҳаёт бекорчи ўйин-кулгидан бошқа нарса бўлмай қолади. Аслида, бу дунё ўткинчи бўлса-да, охират учун тайёргарлик босқичини ўташи керак.